


ILLOQARFIUP ILAANUT PILERSAARUT 3A1-3

Akunnerit



NUUP KOMMUNEA

TEKNIKKIMUT AVATANGIISINULLU INGERLATSIVIK
MARTS 2007



Imai

Ilitsersuut	3
Nassuiaat	4
Illoqarfiup ilaanut pilersaarutip tunuliaqutaa	4
Siusinnerusukkut illoqarfiup ilaanut pilersaarutit	4
Illoqarfiup ilaanut pilersaarusiork	5
Illoqarfiup ilaanut pilersaarutip siunertaa imaalu	6
Pilersaarusiorknermut allamut attuumassuteqarnera	11
Illoqarfiup ilaanut pilersaarutip kingunissaa	11
Aalajangersakkat	13
§ 1 Illoqarfiup ilaanut pilersaarutip siunertaa	13
§ 2 Illoqarfiup ilaanut pilersaarusiork agguataarneralu	13
§ 3 Atorneqarfissaa	13
§ 4 Aqqusinermut aqqusineeqqanullu tunngasut	13
§ 5 Sanaartukkat annertussusiat inissisimaffiilu	14
§ 6 Sanaartukkat silatimikkut isikkui	15
§ 7 Nunaminertat sanaartorfiunngitsut	15
§ 8 Nunagissaaneq	15
§ 9 Teknikkikkut atortulersuutit	15
§ 10 Piginneqatigiiffik	16
§ 11 Sanaartukkap nutaap atulernissaanut piumasaqaatit	16
Akuersissuteqarnermi atsiorneq	17
Inaarutaasumik akuersissuteqarneq	17

ILANNGUSSAT

Ilanngussaq 1: Killiliussat aamma immikkoortukkuutaat

Ilanngussaq 2: Sanaartorfissiat

Ilanngussaq 3: Takussutissiaq

Ilitsersuut

Illoqarfiup ilaanut pilersaarummi nunaminertat, illut nutaat, pisuinnaat aqqutaat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq ilusilersorneqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaarutip siunertaa anguniagaalu naatsumik oqaluttuarineqarput, illoqarfiup ilaanut pilersaarusiortarfiusumi eqqaanilu pioreersut aammalu illoqarfiup ilaanut pilersaarut pilersaarutitut allanut qanoq attuumassuteqarnerisq.

Illoqarfiup ilaanut pilersaarusiortarfiusumi aalajangersakkat atugassaataapput. Assit oqaasertaallu kipungasunik allatat illoqarfiup ilaanut pilersaarummi aalajangersakkat nassuiaasorsor-nissaannik takussutissiarinissaannillu siunertaqarput.

Nunaminertanik atuisarneq pillugu Inatsisartut peqqussutaat nr. 6, 19. december 1986-imeersoq, kingorna allannguutitalik, nunaminertanik atuisarneq pilersaarusiortarnerlu pillugit aamma Nalunaarut nr. 23, 18. november 1992-imeersoq, kingorna allannguutitalik, malillugit kommunalbestyrelsi illoqarfiup ilaanut pilersaarusiortussaataavoq:

- *Kommunip pilersaarusiortarnerata piviusunngortinneqarnissaa qulakkeerniassallugu pisariaqartinneqarpat.*
- *Angisuumik illuliassaq, atortulersuutit imaluunniit nunaminertamik akuersissuteqarnerit aallartinneqartinnagit.*

Illoqarfiup ilaanut pilersaarusiortussaataitanerup siunertaraa pilersaarusiortarnermi annertuneru-sumik ataqatigiissaarisooqarnissaa innuttaasullu peqataatinneqarnissaat.

Taamaattumik illoqarfiup ilaanut pilersaarut sivikinnerpaamik sapaatit akunnerini arfinilinni tamanut saqqummiunneqassaaq. Tamanna pereerpat Kommunalborgstyrelsi naammagittaalliu-tit imaluunniit oqaaseqaatit allannguutissatullu siunnersuutit naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaarummi illoqarfiup ilaanut pilersaarutip inatsisitigut atuutilernera er-seqqinnerusumik taaneqarpoq.

Nassuiaat

Illoqarfiup ilaanut pilersaarutip tunuliaq-taa

Kommunalbestyrelsip kissaatigisaraa ilaatigut siammasissunik piukkitsunillu inissialiorto-qarnerunissaa. Inissianik taamatut ittunik piumasut amerliartuinnarput, taamaattumillu Akunnerit illoqarfiup ilaanut ilanngullugu pilersaarusiorneqarpoq.

Siusinnerusukkut illoqarfiup ilaanut pilersaarutit

Siusinnerusukkut marlunnik illoqarfiup ilaanut pilersaarutit Killiliussamut 3A1 Akunnerit suliarineqareerput.

1997-imi Illoqarfiup ilaanut pilersaarutissatut siunnersuut 3A1-1, Eqalugalinnguit Kitaa (maannakkut Akunnerit) suliarineqarpoq. Siunnersuut tamanut tusarniaassutigineqarpoq 1997-imi piffissami ulloq 12. marsimiit ulloq 25. apriliip tungaanut.

Saqqummiussinnermut atatillugu akerliliissutit arlallit Eqalugalinnguani najugalinnit tiguneqarput, pissutit marluk annerusumik tamatumani pineqarlutik. Siulleq tassaalluni immikkoortumi angallannerulernissamut tunngasoq, immikkoortumut nutaamut aqqusineq inissia-

qarfikkut pinissaa pillugu. Aappaa tassaalluni isikkivilunnerulernissamut tunngasoq, siunnersuummi saqqummiunneqartumi immikkoortup qangiani illut uigulukuttut sananeqar-nissaat siunnersuutaammat.

Oqaaseqaatit akerliliissutillu malitsigisaannik Kommunalbestyrelse aalajangerpoq siunnersuut inaarutaasumik akuersissutigineqassann-gitsoq.

Nutaamik illoqarfiup ilaanut pilersaarutissamik siunnersuusiormut atatillugu immikkoortumi angallannermut iluarsiissutissat si-samat misissorneqarput:

1. Avannaatigut aqqut ”Dødemandssvinget”-mi kaajallattarfissaq nutaaq aqqusaarlugu,
2. Avannaatigut aqqut ”talerpiatigut pulallu-ni – talerpiatigullu anillalluni”– Akuatigut sangusariaanut atanilik
3. Kujataatigut aqqut Nuussuup Manngua aqqusaarlugu Qernertunnguani kaajallat-tarfimmoortillugu, assiliaq 4-mi takutin-neqartutuut.
4. Qangiatigut aqqut Eqalugalinnguani inis-siaqarfik aqqusaarlugu.

Misissuinerup inernereqqippaa Eqalugalinnguani inissiaqarfimmiit aqqusernissaa pit-saanerpaajussasoq.



Takussutissaq 1: Akunnerit.

Tamanna tunngavigalugu kommunalbestyrelse juuni 2003-mi aalajangerpoq siunnersuut nutaaq, tassalu illoqarfiup ilaanut pilersaarusiorfik, Eqalugalinnguani inissiaqarfioersoq aqqusaarlugu aqquteqartinneqartoq, inissianik ikinnerusunik inissiartalik saqqummiunneqasasoq.

Illoqarfiup ilaanut pilersaarutissaatut siunnersuut 3A1-2 tamanut tusarniaassutigineqarpoq piffissami ulloq 25. juuni 2005-imiit 20. agustusi 2005-ip tungaanut.

Eqalugalinnguani najugallit aamma akerliliisuteqaqqippat pissutsit ataani taaneqartut pililugit:

- Eqalugalinnguani inissiaqarfikkut angallannerulernissaq.
- Eqalugalinnguani najugallit isikkivilunnerulernissaat.

Tamatuma kingorna Illoqarfiup ilaanut pilersaarutissatut siunnersuut tunuartinneqarpoq.

Kommunimut pilersaarummi 2005-2014 Killiliussamat 3A1-imut Eqalugalinnguani inissiaqarfimmiit imaluunniit Nuussuup Mannguatigut kaajallattarfikkut aqquteqarnissaa periarfissaqartinneqarpoq. Kingornalu Nuussuup Mannguanik kaajallattarfimmiit aqqutissatut periarfissat allat marluk misissorneqarput.

Illoqarfiup ilaanut pilersaarutissatut siunnersuut una 3A1-3, Akunnerit, immikkoortumut tassunga tunngavoq, makkuninngali allannguteqartinneqarluni:

- Illoqarfiup ilaanut pilersaarusiorfimmut aqqut Nuussuup Mannguanik kaajallattarfikkut pissasoq assiliaq 4 naapertorlugu.
- Inissiaqarfimmi nutaami inissiat amerlasusissaat allanngortinneqassasut 16-32-niit 68-it missaannut
- Immikkoortortat marluk atugasannngortinneqassasut assiliaq 5 naapertorlugu.
- Immikkoortortaq A illunut marlunnik quleriilinnut qulingiluanut siammasissumi

sananeqarnissaannut atugassannngortinneqarpoq, taakkulu qaliaat annikitsuinnarmik sivingatinneqassapput inissiaareersut inissialiassallu eqqarsaatigalugit.

- Immikkoortortaq B illunut immikkuullarissunut sisamanut sisamanillu quleriilinnut sanaartorfissatut atugassannngortinneqarpoq.
- Illoqarfiup ilaanut pilersaarusiorfimmi sanaartukkat siammasissuussapput, taamaalilluni sanaartukkat nutaat Eqalugalinnguani inissiaqarfimmut “assiaqutaassanatik”.

Illoqarfiup ilaanut pilersaarusiorfik

Killilernera

Illoqarfiup ilaanut pilersaarusiorfik avannamut aamma kimmut Eqalugalinnguani aqqusineramik killeqartinneqarpoq, kujammut Nuussuup Mannguanik killeqartinneqarluni kiisalu kangianut Eqalugalinnguani inissiaqarfimmik killeqartinneqarluni assiliaq 2 ataaniittoq naapertorlugu.



Takussutissaq 2: Sumiiffiup titartarnera. ”Akunnerit” aappalaartumik nalunaaqutsigaavoq.

Nunap isikkua nunataalu


Immikkoortoq qaqqap naqinnertaani erseqqarissuvoq sanaartugartaqanngitsoq Nuussuup Mannguanut Eqalugalinnguillu aqquserngata tungaanut sivinganertaqartiterluni, immikkoortullu avannaata nunataa natsinnaalluni. Tassalu immikkoortoq erseqqarilluartuuvog taamaalillunilu sanaartukat erseqqarilluartuusassaallutik.

Illoqarfiupu ilaanut pilersaarutip siunertaa imaalu


Illoqarfiup ilaanut pilersaarutip siunertaraa inissiaqarfimmik ilusilersorluakkamik pilersitsinissaq, immikkoortup pitsaaqutaanik atorluaanikkut eqqaanilu immikkoortunik mianerinnilluni.

Illoqarfiup ilaanut pilersaarummiittut tassapput nutaamik sanaartornissamut tunngavissaq ilaqutariinnut ataatsinut/affarleriinut illunik siammasissumik inissisimasunik qulingiluanik kiisalu illunik immikkuullarissunik sisamanik sisamanik quleriilinnik sananissamut.

Ataatsimut katillugit pineqartut tassapput inissiat nutaat 57-it isikkivigissumi inissisimasussat, sanaartorfissiani ataasiakkaani eqqaanilu immikkoortuni inissisimasunik, assiliaq 3 naapertorlugu.



Takussutissaq 3: Isikkivimmut killingi. A: Nuup Kan-
gerlua, B: Akia & C: Nuussuup Manngua



Takussutissaq 4: Akunnernut aqqut

Aqquserngit aqqusineeqqallu

Immikkoortumut aqquteqassaaq nutaamik Nuussuup Mannguani kaajallattarfimmiit i-

ngerlasussamik, taanna Nuummiit aqqummit pingaarnermeersuuvoq.


Immikkoortumut aqqusineeraqartinneqassaaq immikkoortumi inissiaqarfiit atuarlugit.

Nipimut tunngasut

Kommunimut pilersaarummi allassimavoq sananeqartut nipi eqqarsaatigalugu aqquser-ngup pingaarnerup qeqqaniit uuttorlugit 40 meterinik ungasissuseqartinneqassasut.

Illoqarfiup ilaanut pilersaarusiorkfik Eqalugalinnguanut aqqusinermi pingaarnermit nipi-lorfiuvoq. Taamaattumillu inissiat nipimut illersuuteqartinneqassapput, tamannalu sanatitsisup akisussaaffigaa.

Illoqarfiup ilaanut pilersaarummiipput sanaartugassanut aalajangersakkat, aalajangersimajumi inissisimanissaannut aammalu inissiat qanoq ilusilersorneqarnissaannut tunngasut.




Takussutissaq 5: Immikkoortukkuutaat

Atorneqarnissaa

Illoqarfiup ilaanut pilersaarusiorkfiusup pingaarnertut aqqissuunneqarnerani immikkortup qiterpasissuunera aallaavigineqarpoq. Immikkoortumi illunik illunillu immikkuullarissunik sanaartornissaq siammasissumik pissaaq, taamaaliornikkut sanaartukkat Eqalugalinnguani inissianut "ungalutut" inissisimas-sanatik assiliaq 5 naapertorlugu. Sanaartukkat annertussusilersorneqarneri immikkoortortamut eqqaaniittumut A-mut, Eqalugalinnguit, naleqqussagaapput imaalillugit sanaartugassat immikkoortortami B-miittussat atsinnerusumiittussanngorlugit inissinneqarlutik, tassaniittut portunerusussaammata.

Isikkivik eqqarsaatigineqarpoq, sanaartofissiat ataasiakkaat eqqarsaatigalugit aamma immik-



Takussutissaq 6: Kujataata qulikannianiik immikkoortukkuutaat takutinnera

koortortat eqqaamiuusut eqqarsaatigalugit, assiliaq 3 naapertorlugu. Avannamut Nuup Kangerluanut, Sermitsiamut aammalu Qasi-giannguatigut Akianut isikkiveqarpoq. Illoqarfiup ilaanut pilersaarusiorfiup kujataani asiartarfeqarpoq, Nuussuup Manngua.

Immikkoortortaq A

Immikkoortortaq natsinertamiippoq sammi-vinnut tamanut sisukkariartortutut illuni. Sanaartugassat tassaapput ilaqutariinnut ataatsi-nut/affarleriinnut illut qulingiluat marlunnik quleriillit, kangimut kimmullu sammisut sal-leriillutik inissisimasut. Sanaartorfissiat im-minnut ungasissusiat minnerpaamik 12 mete-riuvoq. Immikkoortortami eqimassuseq sa-naartukkallu annertussusiat imminerminni illut akorngisa eqimassusissaannik killiliisin-naavoq. Illut imatut inissinneqarput tamarmik sapinngisamik annerpaamik isikkiveqartin-niarneqarlutik.

Immikkoortortaq B

Immikkoortortap A-p kujataani immikkoor-tukkuutaanik sisamanik "napasuliaqarpoq" immikkoortortaq B sivingasoq sinerlugu inis-sisimasunik. Napasuliaasat avannamut ku-jammullu sammisuupput, taamaalillutik isik-kivigillulinnartuullutik.



Takussutissaq 7: Nunaminertat sanaartorfiussanngit-sut.

Silamiiffissat

Immikkoortukkuutaat nunaminertanik sanaar-torfiunngitsunik akunneqarput, immikkoortup portunersaaniittunik aammalu immikkoortor-tat A-p aamma B-p akorngini assiliaq 7-imi takutinneqartutuut.

Immikkoortumi nunaminertani sanaartor-fiunngitsuni pinnguartarfiliortoqarsinnaavoq aneertarfeqarlunilu. Piumasarineqarpoq im-mikkoortumi minnerpaamik ataatsimoorus-sassamik ataatsimik aneertarfeqarnissaa. Nu-naminertat sivingarngi nalunaarneqassapput, nunaminertani angalaneq aneernerlu isuman-naatsuuteqqullugit.

Angallaffik

Illoqarfiup ilaanut pilersaarusiortuup, Nuusuup Mannguani kaajallattarfimmiit, aqqusiniornissaani qaqqap immikkoortup kujataaniittup qaartiterneqarnissaa pisariaqarpoq.

Illoqarfiup ilaanut pilersaarusiortufimmi aqqusineq nunap nammineq ilusaa najoqqutargu suliarineqassaaq, takussutissaq 8-mi naapiffiatut taaneqartumi.



Takussutissaq 8: Naapiffissaa krydsimik nalunaaqutsigaavoq.

Tassanngaanniit inissiaqarfinnut pingasunut aqquteqassaaq, biilinit uninngasarfinnut ingerlaannartumik aqquteqartunik. Avannaani inissiaqarfinnut aqqut immikkoortortaq A-miittut aqquteqartissavai, aqquserngillu marluk immikkoortortaq B-mut ingerlaartinneqassapput, tassa kujammut. Immikkoortortaq B qitermigut avinneqarpoq, aqqusineq killiliisutut immat, nunamut eqqaa niittumut atsinernerunera pissutigalugu, takuuk takussutissaq 10.



Takussutissaq 9: Assip qulliup takutippaa qooroq saputitaqanngitsoq, qeqqaniippoq armcorørimik saputitalik allerlu Akunnernut ikaartarfilik.

Taamaalilluni immikkoortortat taakku marluk akorngi tukimoortumik asserneqarput, tassalu kangiata kitaatalu akorngisigut.

Sumiiffimmi aqqusineq


Sumiiffiup aqqusinniorneqarnissaanut atatil-lugu mianerineqassaaq Nuussuup Mannguaata asiarfittut atorneqartarnera pigiinnarneqarnissaa. Tassani pingaaruteqarpoq Eqalugalin-nguit aqqutaaniit Nuussuup Mannguanut atanera asiariartarfittut pigiinnarneqarnissaa.

Qorsuttanut pilersaarut

Maannakkut Nuup Kommuneanit illoqarfimmut tamarmut qorsuttassat pillugit pilersaarut suliarineqarpoq. Qorsuttassanut pilersaarut naatsorsuutigineqarpoq 2007-imi aasami naammassineqassaq. Asiariartarfiit pingaarnerit nalunaarsorneqareerput, tassa Qorsuttassat Ilusilersorneqarnissaat eqqarsaatigalugu. Nuussuup Manngua sukisaarsaarfigalugu katersuuffittut naatsorsuunneqarpoq, ukiumi innuttaasunit atorluarneqartartoq, taamaattumillu erlinnartutut isigineqarpoq pigiinnarneqarnissaalu kissaatigineqarluni.

Sanaartorfissagissaaneq

Manna tikillugu immikkoortortat nutaat sanaartorfissagissarneqarneri Nuup Kommuneanit annerusumik isumagineqartarput. immikkoortumi matumani namminersortut ilaannakortumik tamakkiisumilluunniit sanaartorfissagissaanissaannik, illuliorsinnaanissaannik kiisalu tuniniaqqissinnaanerini I periarfissinneqassapput.



Takussutissaq 10: Sumiiffimmi aqqusineq saneraaniit.

Pilersaarusiornermut allamut attuumassute-qarnera

Kommunimut pilersaarut

Illoqarfiup ilaanut pilersaarut 3A 1-3, Akunnerit, Kommunimut pilersaarut Nuuk 2005-2014-imi ilaavoq, Killiliussamut immikkortoq 3A1, Akunnerit, inissiaqarfissatut atugas-sannngortinneqartoq sisamanik quleriillit tikilugit.

Immikkoortoq Eqaalugalinnguani inissiaqarfimmiit aqquteqartinneqassaaq imaluunniit Nuussuup Mannguata kaajallattarfianeersumik.

Immikkoortumi inissiat 50-it missaanniissinnaapput, tassa Nuussuup Mannguata aqquserngata eqqaaniik.

Teknikkikkut atortulersuutit

Kiassarneq:

Immikkoortoq innaallagissamoortumik kiasarneqassaaq.

Imeq:

Immikkoortoq pisortat imeqarfianit pilersorneqassaaq.

Imikoq:

Immikkoortoq kommunip kuuffissuinut atasuserneqassaaq.

Eqqaavilerineq:

Immikkoortoq Nuup Kommuneani eqqaavilerinermik aqqissuussineranut ilaatinneqassaaq malittarisassat sukkulluunniit atuuttut malillugit.

Illoqarfiup ilaanut pilersaarutip kingunissai

Illoqarfiup ilaanut pilersaarutip immikkoortup ineriartortinneqarnissaanut iluarsiiissutaassaaq. Taamaattumik allannguuteqartitsisoqaraangat taamaallaat pilersaarummi aalajangersakkat atuutilertarput. Maannamut malittarisassat malillugit atorneqartut atorneqarnerisut atorneqarsinnaapput – aamma allamik piginnittoqalersimatillugu.

Inatsisit atuukkallartut

Illoqarfiup ilaanut pilersaarutissatut siunnersuut tamanut saqqummiunneqarnerani, nuna-minertat, illut atortullu illoqarfiup ilaanut pilersaarutissatut siunnersuummiittut ima atorneqassanngillat illoqarfiup ilaanut pilersaarutissatut inaarutaasumik imarisaanut akerliusumik.

Inatsisit atuukkallartut atuutsinneqartarput illoqarfiup ilaanut pilersaarutissap inaarutaasumik akuerineqarnissaasa tungaanut – taamaattorli siunnersuutip tamanut saqqummiunneqarneraniit ukioq ataaseq atuutsinneharsinnaallutik.

Akerliliissuteqarnissamut piffissaritinneqartup naanerani akerliliissutinik tigusaqartoqarsimattinnagu Kommunalbestyrelse nunaminertap, illoqarfiup ilaanut pilersaarutissatut siunnersuummi ilaasup atorneqarnissaanik imaluunniit sanaartorfigineqarnissaanik akuersissuteqarsinnaavoq, atuineq sanaartornerluunniit illoqarfiup ilaanut pilersaarutissatut siunnersuummut naapertuuppat.

Inatsisit inaarutaasumik atuutilerneri

Illoqarfiup ilaanut pilersaarut Kommunalbestyrelsimit inaarutaasumik akuersissutigineqareerpat tamanullu saqqummiunneqarluni, taava nunaminertat, illut atortullu, illoqarfiup ilaanut pilersaarummi ilaasut atorneqarsinnaalissapput illoqarfiup ilaanut pilersaarummi aalajangersakkat naapertorlugit.

Immikkut pisoqartillugu annikitsut naapertuutinnngitsut immikkut ittumik akuersissutigineqarsinnaapput. Annetunerusulli pineqartillugit tamanna nutaamik illoqarfiup ilaanut pilersaarummik kinguneqartariaqarluni.

Illoqarfiup ilaanut pilersaarummi ilaatinneqartut, tassa nunaminertat, illut atortullu, imaanngilaq pinngitsooratik pilersinneqassasut.

Manna tikillugu nunaminertanik illunik atortunillu malittarisassat malillugit atuineq ingerlaannarsinnaavoq.

Tamanna ilaatigut ima isumaqarpoq, tassa inatsisit malillugit nunaminertat, illut atortullu atorneqarneri ingerlaannarsinnaasoq akerlia-

nilli soorlu allatut atuineq imaluunniit nutaa-
mik sanaartorneq illoqarfiup ilaanut pilersaa-
rummik unioqqutitsilluni pissanani.

Tusarniaavigineqarnera akuerineqarneralu

Illoqarfiup ilaanut pilersaarut, 3A1-3 Akunnerit,
tamanut tusarniaassutigineqarpoq piffissami
8. november 2006-imiit 20. december 2006-
imut.

Tusarniaanermi oqaaseqaatinik akerliliissutinillu
ataasiakkaanik tigusaqarpugut.

Illoqarfiup ilaanut pilersaarut, 3A1-3 Akunnerit,
marsip 26-iani 2007 kommunalbestyrelsip oqaluu-
seraa akueralugulu siunnersuummut tamanut saq-
qummiunneqartumut sanilliullugu ataasiakkaanik
aaqqiissuteqarfigalugu.

Illoqarfiup ilaanut pilersaarut 3A1-3, Akunne-
rit 02.05.2007 inaarutaasumik atuutilersutut
tamanut nalunaarutigineqarpoq.

Illoqarfiup ilaanut pilersaarut uani atuarneqar-
sinnaavoq www.nuuk.gl imaluunniit Nunatta
Atuagaateqarfiani, kommunimi saaffiginnit-
tarfimmi imaluunniit Teknikkimut Avatangii-
simullu Ingerlatsivimmuut oqarasuaat 34 74 30
aqqutigalugu pissarsiarineqarsinnaalluni.

Aalajangersakkat

Kommunalbestyrelsip matumuuna aalajangersakkat makku, nunaminertanik atuineq pilersaarusiornerlu pillugit Inatsisartut peqqussutaat nr. 6, 19. december 1986-imeersoq naapertorlugu Inatsisartut peqqussutaanni nr. 1, 18. juni 1987-imeersumi allanngortinneqartoq aammalu nunaminertanik atuineq pilersaarusiornerlu pillugit Nalunaarut nr. 23, 18. november 1992-imeersoq kingusinnerusukkut allannguutitaqartoq naapertorlugit aalajangersarpai.

§ 1 Illoqarfiup ilaanut pilersaarutip siunertaa

- 1.1 Illoqarfiup ilaanut pilersaarutip siunertaraa:
- Qulakkiissallugu kommunip sulisunut inissianik aamma ilaqutariinnut ataatsinut/affarleriinnut inuit namminneq illuliorsinnaanissaat
 - Sanaartorfiusup eqqaatalu ataqatigiissuunissaat, Eqalugalinnguit Kangiani inissiaareersut aamma ilanngullugit.
 - Aalajangersassallugu Nuussuup Mannguani kaajallattarfimmiit aq-quteqarnissaa Kommunimut pilersaarut naapertorlugu.

§ 2 Illoqarfiup ilaanut pilersaarusiorfik agguataarneralu

- 2.1 Illoqarfiup ilaanut pilersaarusiorfiusoq Nunap assinga nr. 1 malillugu killeqartinneqarpoq.
- 2.2 Immikkoortoq 3,2 ha.-ip missaannik annertussuseqarpoq.
- 2.3 Illoqarfiup ilaanut pilersaarusiorfiusoq immikkoortortanut A-mut aamma B-mut avinneqarpoq, nunaminertaq angallaffiusoq kiisalu Nunap assinga nr. 1-imi takutinneqartutut nunaminertaq sanaartorfiussanngitsosq aamma aneerfiusinnaasoq.

§ 3 Atorneqarnissaa

- 3.1 Immikkoortortaq A ilaqutariinnut atatsinut/affarleriinnut 9-nut atugassanngortinneqarpoq ilanngussaq 2-mi takutinneqartutut
- 3.2 Immikkoortortaq B illunut immikkuullarissunut 4-nut atugassanngortinneqarpoq ilanngussaq 2-mi takutinneqartutut, siullertut inissiatut quleriaatut kommunip sulisuinut inissiasatut.
- 3.3 Illoqarfiup ilaanut pilersaarusiorfiusumi teknikkimut atortulersuutinik inissiisoqarsinnaavoq, ilanngussaq 2-mi, sanaartorfissiaq "C"-mi. Sanaartukkanut tulluuttunngorlugu inissinneqartussamik.
- 3.4 Immikkoortut sanaartorfissiatut atugassanngortinneqanngitsut sanaartorfiussanngillat aneefissatullu atorneqassallutik aamma biilinit uninngasarfissatut immikkoortinneqartoq sanaartorfiussanngilaq atortulernerqarnanilu.
- 3.5 Immikkoortortaq A-mi inuussutissarsiorfimmik annikinnerusumik pilersit-sisoqarsinnaavoq, taanna immikkoortumi inissiaqarfiup isikkuanik allannguissanngippat aamma biilinit uninngavissanik amerlanersunik pisariaqartitsissanngippat allatullu immikkoortumi inissiaqarfinnut akornutaassanngippat.

§ 4 Aqquserngit aqqusineeqqallu

- 4.1 Illoqarfiup ilaanut pilersaarusiorfiusumut aqqut Nunap assingani 1-imi takutinneqartutut pissaaq, Nuussuup Mannguni kaajallattarfimmiit.
- 4.2 Aqqusinermut nunaminertaq tunnga-viit Nunap assingani 2-mi takutinneqartut malillugit pissaaq.
- Aqqusineq a-b minnerpaamik 6,0 meteritut silitsigissaaq.

	Aqqusineq b-c, b-d minnerpaamik 5,0 meteritut silitsigissaaq.		
	Aqqusineq b-e minnerpaamik 5,0 meteritut silitsigissaaq.		
4.3	Sumiiffimmi aqqusineq a-b sinerlugu aqqusineeraqassaaq		
4.4	Angallaffittut atorneqartut immikkoortortat B-mut atasut qatserisartut aqqu-taattut aamma atorneqassapput, taa-maasilluni qatserisartut ingerlaffis-saanngitsumut ingerlasinnaaniassam-mata.		
4.5	Immikkoortortaq B-mi biilnut unin-ngasarfissaq ataatsimoorussassatut pi-lersinneqassaaq minnerpaamik inissi-amut ataatsimut uninngasaqarfissaq ataaseq naatsorsuutigineqarluni. Im-mikkoortortaq A-mi inissiamut ataatsimut minnerpaamik 2-nik biilnut u-ninngasarfimmik pilersitsisoqassaaq. Assigiisumik asfaltilerneqassaaq i-kaartarfialu qajannaallisakkamik sullu-lerneqassalluni armcorørimik, be-tonpladimik assigisaannilluunniit, i-maalillugu eqqaatigut qajannaallisaati-nut nallersuuttunngorlugit aammalu maskinanut oqimaatsunut sanaartor-nermi angallatinut aqqutaasinnaasunn-gorlugu, aputaajaassuit ilanngullugit.	5.2	Immikkoortortaq A-mi sanaartukkat portunerpaaffissaat imatut aalajanger-sarneqarput: Sanaartorfissiaq A1 nunamiit uuttorlu-gu uuttuut kote malillugu 32,0-imut portussusilerneqarpoq Sanaartorfissiaq A2 nunamiit uuttorlu-gu uuttuut kote malillugu 31,5-imut portussusilerneqarpoq Sanaartorfissiaq A3 nunamiit uuttorlu-gu uuttuut kote malillugu 32,0-imut portussusilerneqarpoq Sanaartorfissiaq A4 nunamiit uuttorlu-gu uuttuut kote malillugu 32,0-imut portussusilerneqarpoq Sanaartorfissiaq A5 nunamiit uuttorlu-gu uuttuut kote malillugu 32,0-imut portussusilerneqarpoq Sanaartorfissiaq A6 nunamiit uuttorlu-gu uuttuut kote malillugu 32,5-imut portussusilerneqarpoq Sanaartorfissiaq A7 nunamiit uuttorlu-gu uuttuut kote malillugu 32,5-imut portussusilerneqarpoq Sanaartorfissiaq A8 nunamiit uuttorlu-gu uuttuut kote malillugu 35,0-imut portussusilerneqarpoq
4.6	Sumiiffimmi aqquserngit "Nuummi aqquserngit pilersaarusiornissaannut najoqqutassaq" malillugu suliarineqas-sapput pilersaarullu Teknikkimut Ava-tangiisinullu ingerlatsivimmi Attave-qaatinut Avatangiisinullu immikkoor-taqarfimmit akuerisassanngorlugu saqqummiunneqassaaq.		Sanaartorfissiaq A9 nunamiit uuttorlu-gu uuttuut kote malillugu 35,5-imut portussusilerneqarpoq
§ 5	Sanaartorfiup annertussusia inissi-simaffialu	5.3	Immikkoortortaq A-mi sanaartorfis-sianut nunaminertaliunneqartut anner-paamik 180 m ² -iussapput qui ilan-ngullugu aneerasaarfilli ilanngunnagu.
5.1	Sanaartorneq Nunap assinga nr. 1-imi sanaartorfissiatut takutinneqartut iluini taamaallaat pisinnaavoq.	5.4	Nunataata ajornartinngippagu ilaqu-tariinnut ataatsinut /affarleriinnut illut kælderisa atorsinnaaneri ajornartinne-qassanngilaq. Naatsorsuutigineqassaaq kælderimi imikumik imaarsaasarnis-saaq.
		5.5	Nunataata ajornartinngippagu sanaar-tugaq nunap ilusaa malillugu sanane-qarsinnaavoq.

- 5.6 Immikkoortortaq B-mi sanaartorfissiani sanaartukkat 4-nik quleriinngorlugit sananeqassapput kælderilanngunnagu.
- 5.7 Immikkoortortaq B-mi sanaartukkat portunerpaaffissaat imatut aalajangersarneqarput:
- Sanaartorfissiaq B1 nunamiit uuttorlugu uuttuut kote malillugu 46,0-imut portussusilerneqarpoq
- Sanaartorfissiaq B2 nunamiit uuttorlugu uuttuut kote malillugu 43,5-imut portussusilerneqarpoq
- Sanaartorfissiaq B3 nunamiit uuttorlugu uuttuut kote malillugu 40,5-imut portussusilerneqarpoq
- Sanaartorfissiaq B4 nunamiit uuttorlugu uuttuut kote malillugu 43,5-imut portussusilerneqarpoq
- 5.8 Quit assigisaallu inissiamut atasunnorlugit sananeqassapput aamma sanaartorfissiaq iluaniitinneqassapput.
- § 6 Sanaartukkat silatimigut isikkuat**
- 6.1 Qaliat immikkoortortaq A sanaartorfiup qaavinut qalliutissaq pap qerner-toq atorineqassaaq.
- 6.2 Sanaartukkap immikkoortortap A-p iluaniittup toqqavia annerpaamik 1 meteriusinnaavoq.
- 6.3 Illoqarfiup ilaanut pilersaaruseriusup iluani qalipaati sakkortuut atorineqassanngillat, qalipaati neoningasut imaluunniit atorlut inngialanartut eqqaani illunut akornutaasinnaasut, imaluunniit immikkoortup ataatsimoortuuneranik akornutaasinnaasut atorineqassanngillat.
- 6.4 Illut immikkuullarissut qaliaasa qaavi pap qernertoq atorlugu qallerneqassapput.

- § 7 Nunaminertat sanaartorfiunngitsut**
- 7.1 Nunap assinga nr. 2-imi immikkuullarissamik allassimasut tassaapput nunaminertat sanaartorfiussanngitsut ataatsimoorussassatut atugassanngortinneqartut.
- 7.2 Nunaminertani sanaartorfiussanngitsuni pinnguarterfiit assigisaallu pilersinneqarsinnaapput.
- 7.3 Illumik piginnittoq pisussaavoq nunaminertap illup eqqaaniittup torersuutinnissaanik.
- 7.4 Nunaminertat sanaartorfiunngitsut nunataat sanaartorneq, qaartiterineq al-latulluunniit suliaqarneq pissutigalugu innarlerneqarsimappat iluarsaanneqassaq.
- § 8 Nunagissaaneq**
- 8.1 Immikkoortortap iluani sanaartukkap eqqaanilu atorlut, aqquuserngit, biilinut uninngasarfiup aqqusineqqallu inis-silluarnissaat pissutigalugit annikitsumik qaartiterisoqarsinnaanera naatsorsuutigineqassaaq.
- 8.2 Immikkoortortaq A-mi qaqqajunnap avannaatungaa uuttuut kote atorlugu 23,5-imut qaartiterneqassaaq qaqqajunnallu kujataatungaa kote 24,0-imut qaartiterneqassalluni tassa ilanngussaq 1-imi takutinneqartoq malillugu.
- 8.3 Sanaartornerup nalaani nunagissaa-nermi nuna sapinngisamik innarlerneqarnaveersaassaaq.
- 8.4 Nunagissaareernerup kingorna nuna sanaartornermut ilaanngitsoq torersar-neqassaaq, qaartiternerlukuiarlugu, qaartiterinermi assartuinermilluunniit siammartinneqarsimasunik.
- § 9 Teknikkikkut atorlut**
- 9.1 Sanaartorfissagissaanermut ilaapput immikkoortumut imermik, kuuffis-suarnik, aqqusinernik pilersuinissaq.

- 9.2 Sanaartukkat tamarmik innaallagissamut, imermut innaallagissamoortumik kiassarnermut kuuffissuarnullu attaveqartinneqassapput.
- 9.3 Naatsorsuutigineqassaaq sanaartorfisiat ilai maqittakkamik imikuiaatilerneqarsinnaanerat.
- 9.4 Nunap qaavatigut imeq kuuttoq imikup kuuffiitut attavilerneqassanngilaq, aqutissiuunneqassallunili eqqaani il-lunut akornutaanngitsumik.
- 9.5 Erngup aqputaa pingarneq immikkoortukkoortoq mianerineqassaaq.
- 9.6 Erngup aqputaata ataatsimoorussassap pilersaarusiornissaa Nukissiorfinnut tunniukkusunneqarpat tamanna Nukis-siorfinnut saqqummiunneqassaaq.
- 9.7 Kuffissuit ataatsimoorussassat pilersaarusiorneqarnissaat Nuup Kommune-anit ingerlanneqarnissaa kissaatigineqarpat tamanna Teknikkimut Avatangiiisinullu ingerlatsivimmi Attaveqaatinut Avatangiiisinullu immikkoortorta-qarfimmut saqqummiunneqassaaq.

§ 10 Piginneqatigiit

- 10.1 Illoqarfiup ilaanut pilersaarusiorfiu-sumi najugaqartut soqutigissaannik ingerlatsisussamik peqatigiiffiliortoqassaaq.
- 10.2 Illoqarfiup ilaanut pilersaarusiorfiu-sumi illuutini piginnittut najugaqartut peqatigiiffiannut tassunga ilaasortaasapput.
- 10.3 Piginneqatigiiffik pilersinneqassaaq ikinnerpaamik ilaasortaasinnaatitaasut affaasa tamanna kissaatigippassuk, kingusinnerpaamilli pisinnaalluni illoqarfiup ilaanut pilersaarusiorfimmi sanaartorfisiat affaasa atorneqarsinnaasunngornerini.

- 10.4 Peqatigiiffiup biilinit uninngasarfittut nunaminertat, aqquseeqqat aamma illoqarfiup ilaanut pilersaarusiorfimmi nunaminertat sanaartorfiunngitsut aserfallatsaaliornissaat isumagissavaa (aamma ukiuunerani). Tamatumanilu malittarisassat nammineq aalajangersarsinnaallugit.

- 10.5 Peqatigiiffiup sumi najugaqarnini pillugu Nuup Kommunea ilisimatittuurtussaavaa.

§ 11 Sanaartukkap nutaap atulersinnaanera pillugu piumasaqaatit

- 11.1 Sanaartugaq nutaaq atorneqarsinnaas-sanngilaq biilinit uninngasarfittut piumasarineqartut pilersissimatinnagit.
- 11.2 Sanaartugaq nutaaq atorneqarsinnaas-sanngilaq aalajangersimasumik innaalagissamut imaluunniit allatut avatangiisimut piumasarineqartut malillugit nukissiummik attavilerneqartinnani.

Akuersissuteqarnermi atsiorneq

Inaarutaasumik akuersissuteqarneq

Matumuuna Nuup Kommuneani Kommunalbestyrelsip Siunnersuut Illoqarfiup ilaanut pilersaarut 3A1-3, Akunnerit, akuersissutigaa.


Nuup Kommunea, ulloq 11.05.2007

Agnethe Davidsen
Borgmesteri

/

Kim Hvistendahl
Allaffissornermi pisortaaneq

Illoqarfiup ilaanut pilersaarut 3A1-3, Akunnerit, ulloq 16.05.2007 inaarutaasumik atuutilertutut tamanut nalunaarutigineqarpoq.




**ILLOQARFIUP ILAANUT PILERSARUT
3A1-3, AKUNNERIT**
ILANNGUSSAQ 1:
KILLILIUSSAT AAMMA IMMIKKOORTUKKUUTAAT

Ullaq / Dato: 3. OKT. 2006
J. nr.: 16.04.3A1
Skala: 1/1500
Sull. / Sagsbeh.: BB/MIFR



**NUUP KOMMUNEA
TEKNIKKIMUT AVATANGIISINULLU
INGERLATSIVIK**




**ILLOQARFIUP ILAANUT PILERSARUT
3A1-3, AKUNNERIT
ILANNGUSSAQ 2: SANAARTORFISSIAT**

Ullaq / Dato: 3. OKT. 2006
J. nr.: 16.04.3A1
Skala: 1/1500
Sull. / Sagsbeh.: BB/MIFR



**NUUP KOMMUNEA
TEKNIKKIMUT AVATANGIISINULLU
INGERLATSIVIK**



ILLOQARFIUP ILAANUT PILERSARUT
3A1-3, AKUNNERIT
ILANNGUSSAQ 3: TAKUSSUTISSIAQ

Ullaq / Dato: 3. OKT. 2006
J. nr.: 16.04.3A1
Skala: 1/1500
Sull. / Sagsbeh.: BB/MIFR



NUUP KOMMUNEA
TEKNIKKIMUT AVATANGIISINULLU
INGERLATSIVIK